

Եւ եղեւ 'ի դառնալ նորա 'ի վանս՝ հասին զկնի նորա 12
 զրահաւորեալ հայթայ, և կացին 'ի դուռն վանաց, և սկը-
 սան աղաղակել և հայհոյել. 28 անձինք եւս դան զկնի մեր,
 պատրաստեցէք 40 արանց կերակուր եւ անկողին, զի ոչ
 ելանեմք աստի մինչեւ առցուք զդրամն. և յաղաչել զբռ-
 նապանին և Թարգմանին հանդարտիլ, նոքա զգէնս ցու-
 ցանէին, եւ զոմանց կալեալ զմօրուս, կախեմք կտրեմք
 ասէին, ապա թէ ոչ, փութով դրամ. փութաց Փոխա-
 նորդն 'ի Դուռն և ողորէր զնոսա 'ի խաղաղութիւն, և նո-
 ցա թողեալ զայլս՝ կալան զնա և սկսան անարգել և հայ-
 հոյել. զայն տեսեալ Փոխանորդին էառ ընդ իւր և զոմանս
 'ի վարդապետաց փութաց առ Քաղաքապետն, և աղաչէր
 զնա բառնալ անտի զգօրսն մինչեւ պատրաստեսցեն զը-
 րամն. չեւ եւս աւարտեալ Փոխանորդին զբան իւր, հա-
 մարձակ բանիւք յարձակեցաւ 'ի վերայ նորա, եւ սկսաւ
 նախատել զնա անասելի բանիւք, անարգելով զկարգ, ըզ-
 կրօն և զհաւատս իսկ, մինչեւ ժայթքել 'ի բերանոյ իւր-
 մէ անարգական բանս այնոցիկ, որ զհրովարտակն ետ,
 գրեաց և ընթերցաւ, եւ այսպիսի անարգութեամբ ար-
 տաքսեաց զնա 'ի սենեկէ անտի: Մինչեւ հեռացեալ նոցա
 անտի, հասին անդ և այլ վարդապետք և միաբանք բո-
 ղոք բարձեալ զանկարգութենէ զօրաց եղելոց 'ի վանս,
 և լուեալ զբանս նոցա, դիմեցին առ Դատաւորն՝ ժամ 12,
 և բողոք կալեալ աղաչէին զնա տալ իւրամ. զի այլ եւս ան-
 հնարին էր մնալ նոցա 'ի քաղաքի անդ: Իսկ այրն խոհա-
 կան՝ ողորական բանիւք աղաչէր զնոսա հանդարտիլ, եւ
 ետ կոչել զգօրապետն, որոյ եկեալ առաւել քան զվար-
 դապետսն պատմեաց զանպատեհ գործս Քաղաքապետին,
 և հարկադրեալ զնա առաքեաց ընդ պաշտօնէի իւրոյ, և
 ետ հանել զհայթայ զօրս 'ի վանաց 'ի գիշերի ժամ 2, և
 միաբանք դարձան 'ի տեղիս իւրեանց: Եւ 'ի վաղիւն պա-
 տուէր տուեալ միաբանաց եւ ուխտաւորաց ոչ բացին ըզ-
 դուռն վանաց, և պատրաստեցան բոլոր միաբանիւք ելա-
 նել 'ի ճանապարհ. իբրեւ լու եղեւ Քաղաքապետին, փու-
 թացին նախիպն և Դպրապետ դատարանի 'ի դրանէ Հրեշ-
 տակապետի մօտին 'ի ներքս, և սկսան աղաչել 'ի կողմանէ
 Դատաւորին և ամենայն այլազգեաց բանալ զդուռն և հան-